

(द्वितीयोऽध्यायः ॥ वर्गाः 1-28)

(10)

33

(म.5, अनु.3)

ऋषिः संवरणः प्राजापत्यः	छन्दः त्रिष्टुप्	देवता इन्द्रः
-------------------------	------------------	---------------

महिं महे त्वसे दीध्ये नृनिन्द्रायेत्या त्वसे अतव्यान्	
यो अस्मै सुमतिं वाजसातौ स्तुतो जने सम्यश्चिकेत	॥ 1 ॥
स त्वं न इन्द्र धियसानो अर्केर्हरीणां वृषुन्योक्त्रमश्रेः	
या इत्या मघवन्ननु जोषं वक्षो अभि प्रार्यः संक्षि जनान्	॥ 2 ॥
न ते त इन्द्राभ्यश्मदृष्वार्युक्तासो अब्रह्मता यदसन्	
तिष्ठा रथमधि तं वज्रहस्ता रश्मिं देव यमसे स्वश्वः	॥ 3 ॥
पुरू यत्त इन्द्र सन्त्युक्था गवे च्कर्थोर्वरासु युध्यन्	
तत्क्षे सूर्याय चिदोर्कसि स्वे वृषा समत्सु दासस्य नाम चित्	॥ 4 ॥
वयं ते त इन्द्र ये च नरः शर्धो जज्ञाना याताश्च रथाः	
आस्माञ्जगम्यादहिशुष्म सत्वा भगो न हव्यः प्रभृथेषु चारुः	॥ 5 ॥
पुपृक्षेर्णमिन्द्र त्वे ह्योजो नृम्णानि च नृतमानो अमर्तः	
स न एनी वसवानो रयिं दाः प्रार्यः स्तुषे तुविमघस्य दानम्	॥ 6 ॥
एवा न इन्द्रोतिभिरेव पाहि गृणतः शूर कारून्	
उत त्वचं ददतो वाजसातौ पिप्रीहि मध्वः सुषुतस्य चारोः	॥ 7 ॥
उत त्ये मा पौरुकुत्स्यस्य सुरेस्त्रसदस्योर्हिरणिनो रराणाः	
वहन्तु मा दश श्येतासो अस्य गैरिक्षितस्य क्रतुभिर्नु संश्वे	॥ 8 ॥
उत त्ये मा मारुताश्वस्य शोणाः क्रत्वामघासो विदथस्य रातौ	
सहस्रा मे च्यवतानो ददान आनूकमर्यो वपुषे नार्चत्	॥ 9 ॥
उत त्ये मा ध्वन्यस्य जुष्टा लक्ष्मण्यस्य सुरुचो यतानाः	
महा रायः संवरणस्य ऋषेर्व्रजं न गावः प्रयता अपि गमन्	॥ 10 ॥

(9)

34

(म.5, अनु.3)

ऋषिः संवरणः प्राजापत्यः	छन्दः जगती 1-8, त्रिष्टुप् 9	देवता इन्द्रः
-------------------------	------------------------------	---------------

अजातशत्रुमजरा स्वर्वत्यनु स्वधामिता दुस्ममीयते	
सुनोतन् पचत ब्रह्मवाहसे पुरुष्टुतार्य प्रतरं दधातन	॥ 1 ॥
आ यः सोमै न जठरमपिप्रतामन्दत मघवा मध्वो अन्धसः	
यदी मृगाय हन्तवे महावधः सहस्रभृष्टिमुशना वधं यमत्	॥ 2 ॥
यो अस्मै घ्नंस उत वा य ऊर्धनि सोमं सुनोति भवति द्युमाँ अहं	
अपाप शक्रस्ततनुष्टिमूहति तनूशुभ्रं मघवा यः कवासुखः	॥ 3 ॥

यस्यावधीत्पितरं यस्य मातरं यस्य शक्रो भ्रातरं नात ईषते	
वेतीद्वस्य प्रयता यतंकरो न किल्बिषादीषते वस्व आकरः	॥ 4 ॥
न पञ्चभिर्दशभिर्वष्ट्यारभं नासुन्वता सचते पुष्यता चन	
जिनाति वेदमुया हन्ति वा धुनिरा देव्युं भजति गोमति ब्रजे	॥ 5 ॥
वित्वक्षणः समृतौ चक्रमासजोऽसुन्वतो विषुणः सुन्वतो वृधः	
इन्द्रो विश्वस्य दमिता विभीषणो यथावशं नयति दासमार्यैः	॥ 6 ॥
समीं पुणेरजति भोजनं मुषे वि द्वाशुषे भजति सुनरं वसु	
दुर्गे चन ध्रियते विश्व आ पुरु जनो यो अस्य तविषीमचुकुधत्	॥ 7 ॥
सं यज्जनौ सुधनौ विश्वशर्धसाववेदिन्द्रो मघवा गोषु शुभ्रिषु	
युजं ह्यश्रन्यमकृत प्रवेपन्युदीं गव्यं सृजते सत्वभिर्धुनिः	॥ 8 ॥
सहस्रसामाग्निवेशिं गृणीषे शत्रिमग्र उपमां केतुमर्यः	
तस्मा आपः संयतः पीपयन्त तस्मिन्क्षत्रममवत्त्वेषमस्तु	॥ 9 ॥

(8)

35

(म.5, अनु.3)

ऋषिः प्रभूवसुः आङ्गिरसः	छन्दः अनुष्टुप् 1-7, पङ्क्तिः 8	देवता इन्द्रः
यस्ते साधिष्ठोऽवसु इन्द्र क्रतुष्टमा भर	अस्मभ्यं चर्षणीसहं सस्त्रि वाजेषु दुष्टरम्	॥ 1 ॥
यदिन्द्र ते चतस्रो यच्छूर सन्ति तिस्रः	यद्वा पञ्च क्षितीनामवस्तत्सु न आ भर	॥ 2 ॥
आ तेऽवो वरेण्यं वृषन्तमस्य हूमहे	वृषजूतिर्हि जज्ञिष आभूभिरिन्द्र तुर्वणिः	॥ 3 ॥
वृषा ह्यसि राधसे जज्ञिषे वृष्णि ते शवः	स्वक्षत्रं ते धृषन्मनः सत्राहमिन्द्र पौंस्यम्	॥ 4 ॥
त्वं तमिन्द्र मर्त्यममित्रयन्तमद्रिवः	सर्वरथा शतक्रतो नि याहि शवसस्पते	॥ 5 ॥
त्वामिद्वृत्रहन्तम् जनासो वृक्तर्बर्हिषः	उग्रं पूर्वाषु पूर्य हवन्ते वाजसातये	॥ 6 ॥
अस्मार्कमिन्द्र दुष्टरं पुरोयावानमाजिषु	स्यावानं धनेधने वाजयन्तमवा रथम्	॥ 7 ॥
अस्मार्कमिन्द्रेहि नो रथमवा पुरंध्या		
व्यं शविष्ठ वार्यं दिवि श्रवो दधीमहि दिवि स्तोमं मनामहे		॥ 8 ॥

(6)

36

(म.5, अनु.3)

ऋषिः प्रभूवसुः आङ्गिरसः	छन्दः त्रिष्टुप् 1-2,4-6, जगती 3	देवता इन्द्रः
स आ गमदिन्द्रो यो वसूनां चिकेतद्दातुं दामनो रयीणाम्		
धन्वचरो न वंसगस्तृषाणश्चकमानः पिबतु दुग्धमंशुम्	॥ 1 ॥	
आ ते हनू हरिवः शूर शिप्रे रुहत्सोमो न पर्वतस्य पृष्ठे		
अनु त्वा राजन्नर्वतो न हिन्वन् गीभिर्मदेम पुरुहूत विश्वे	॥ 2 ॥	
चक्रं न वृत्तं पुरुहूत वेपते मनो भिया मे अमतेरिदद्रिवः		
रथादधि त्वा जरिता संदावृध कुविन्नु स्तोषन्मघवन्पुरुवसुः	॥ 3 ॥	
एष ग्रावैव जरिता त इन्द्रेर्यति वाचं बृहदाशुषाणः		
प्र सव्येन मघवन्त्यसि रायः प्र दक्षिणिद्धरिवो मा वि वैनः	॥ 4 ॥	

वृषा त्वा वृषणं वर्धतु द्यौर्वृषा वृषभ्यां वहसे हरिभ्याम् ।  
 स नो वृषा वृषरथः सुशिप्र वृषक्रतो वृषा वज्रिन्भरै धाः ॥ 5 ॥  
 यो रोहितौ वाजिनौ वाजिनीवान्त्रिभिः शतैः सचमनावदिष्ट  
 यूने समस्मै क्षितयो नमन्तां श्रुतरथाय मरुतो दुवोया ॥ 6 ॥

(5)

37

(म.5, अनु.3)

ऋषिः भौमः अत्रिः	छन्दः त्रिष्टुप्	देवता इन्द्रः
------------------	------------------	---------------

सं भानुना यतते सूर्यस्याजुह्वानो घृतपृष्ठः स्वञ्चाः ।  
 तस्मा अमृधा उषसो व्युच्छान्य इन्द्राय सुनवामेत्याह ॥ 1 ॥  
 समिद्धाग्निर्वनवत्स्तीर्णबर्हिर्युक्तग्रावा सुतसोमो जराते  
 ग्रावाणो यस्येषिरं वदन्त्ययदध्वर्युर्हविषाव् सिन्धुम् ॥ 2 ॥  
 वधूरियं पतिमिच्छन्त्येति य ई वहाते महिषीमिषिराम् ।  
 आस्यं श्रवस्याद्रथ आ च घोषात्पुरू सहस्रा परि वर्तयाते ॥ 3 ॥  
 न स राजा व्यथते यस्मिन्निन्द्रस्तीर्णं सोमं पिबति गोसंखायम् ।  
 आ संत्वनैरजति हन्ति वृत्रं क्षेति क्षितीः सुभगो नाम पुष्यन् ॥ 4 ॥  
 पुष्यात्क्षेमं अभि योगे भवात्युभे वृतौ संयती सं जयाति ।  
 प्रियः सूर्ये प्रियो अग्रा भवाति य इन्द्राय सुतसोमो ददाशत् ॥ 5 ॥

(5)

38

(म.5, अनु.3)

ऋषिः भौमः अत्रिः	छन्दः अनुष्टुप्	देवता इन्द्रः
------------------	-----------------	---------------

उरोष्ट इन्द्र राधसो विभ्वी रातिः शतक्रतो । अधा नो विश्वचर्षणे द्युम्ना सुक्षत्र मंहय ॥ 1 ॥  
 यदीमिन्द्र श्रवाय्यमिषं शविष्ठ दधिषे । पप्रथे दीर्घश्रुत्तमं हिरण्यवर्णं दुष्टरम् ॥ 2 ॥  
 शुष्मासो ये ते अद्रिवो मेहना केतसापः । उभा देवावभिष्टये दिवश्च ग्मश्च राजथः ॥ 3 ॥  
 उतो नो अस्य कस्य चिद्वक्षस्य तव वृत्रहन् । अस्मभ्यं नृम्णमा भरास्मभ्यं नृमणस्यसे ॥ 4 ॥  
 नू ते आभिरुभिष्टिभिस्तव शर्मञ्छतक्रतो । इन्द्र स्याम सुगोपाः शूर स्याम सुगोपाः ॥ 5 ॥

(5)

39

(म.5, अनु.3)

ऋषिः भौमः अत्रिः	छन्दः अनुष्टुप् 1-4, पङ्क्तिः 5	देवता इन्द्रः
------------------	---------------------------------	---------------

यदिन्द्र चित्र मेहनास्ति त्वादातमद्रिवः । राधस्तन्नो विदद्वस उभयाहस्त्या भर ॥ 1 ॥  
 यन्मन्यसे वरेण्यमिन्द्र द्युक्षं तदा भर । विद्याम् तस्य ते वयमकूपारस्य दावनै ॥ 2 ॥  
 यत्ते दित्सु प्रराध्यं मनो अस्ति श्रुतं बृहत् । तेन दृळ्हा चिदद्रिव आ वाजं दधि सातये ॥ 3 ॥  
 महिष्ठं वो मघोनां राजानं चर्षणीनाम् । इन्द्रमुप प्रशस्तये पूर्वीभिर्जुजुषे गिरः ॥ 4 ॥  
 अस्मा इत्काव्यं वच उक्थमिन्द्राय शंस्यम् ।  
 तस्मा उ ब्रह्मवाहसे गिरौ वर्धन्त्यत्रयो गिरः शुम्भन्त्यत्रयः ॥ 5 ॥

ऋषिः भौमः अत्रिः छन्दः उष्णिक् 1-3, त्रिष्टुप् 4,6-8, अनुष्टुप् 5,9 देवता इन्द्रः 1-4, सूर्यः 5, अत्रिः 6-9

आ याह्यद्रिभिः सुतं सोमं सोमपते पिब		वृषन्निन्द्र वृषभिर्वृत्रहन्तम	॥ 1 ॥
वृषा ग्रावा वृषा मदो वृषा सोमो अयं सुतः		वृषन्निन्द्र वृषभिर्वृत्रहन्तम	॥ 2 ॥
वृषा त्वा वृषणं हुवे वज्रिञ्चित्राभिरूतिभिः		वृषन्निन्द्र वृषभिर्वृत्रहन्तम	॥ 3 ॥
ऋजीषी वज्री वृषभस्तुराषाट्छुष्मी राजा वृत्रहा सोमपावा			
युक्त्वा हरिभ्यामुप यासदुर्वाङ्गाध्यंदिने सर्वने मत्सदिन्द्रः			॥ 4 ॥
यत्त्वा सूर्यं स्वर्भानुस्तमसाविध्यदासुरः		अक्षेत्रविद्यथा मुग्धो भुवनान्यदीधयुः	॥ 5 ॥
स्वर्भानोरधु यदिन्द्र माया अत्रो दिवो वर्तमाना अवाहन			
गूळहं सूर्यं तमसापत्रतेन तुरीयेण ब्रह्मणाविन्ददत्रिः			॥ 6 ॥
मा मामिमं तव सन्तमत्र इरस्या द्रुग्धो भियसा नि गारीत्			
त्वं मित्रो असि सत्यराधास्तौ मेहावतं वरुणश्च राजा			॥ 7 ॥
ग्राव्णो ब्रह्मा युयुजानः सपर्यन् कीरिणा देवान्नमसोपशिक्षन्			
अत्रिः सूर्यस्य दिवि चक्षुराधात्स्वर्भानोरप माया अघुक्षत्			॥ 8 ॥
यं वै सूर्यं स्वर्भानुस्तमसाविध्यदासुरः		अत्रयस्तमन्विन्दन्नह्ये अशक्रुवन्	॥ 9 ॥

ऋषिः भौमः अत्रिः छन्दः त्रिष्टुप् 1-15,18-19, अतिजगती 16-17, एकपदा विराट् 20 देवता विश्वे देवाः

को नु वां मित्रावरुणावृतायन्दिवो वा महः पार्थिवस्य वा दे			
ऋतस्य वा सदसि त्रासीथां नो यज्ञायते वा पशुषो न वाजान्			॥ 1 ॥
ते नो मित्रो वरुणो अर्यमायुरिन्द्रं ऋभुक्षा मरुतो जुषन्त			
नमोभिर्वा ये दधते सुवृक्तिं स्तोमं रुद्राय मीळहुषे सजोषाः			॥ 2 ॥
आ वां येषांश्चिना हुवध्यै वातस्य पत्मन्त्रथ्यस्य पुष्टौ			
उत वां दिवो असुराय मन्म प्रान्धांसीव यज्यवे भरध्वम्			॥ 3 ॥
प्र सक्षणो दिव्यः कण्वहोता त्रितो दिवः सजोषा वातो अग्निः			
पूषा भगः प्रभृथे विश्वभोजा आजिं न जग्मुराश्वश्वतमाः			॥ 4 ॥
प्र वो रयिं युक्ताश्वं भरध्वं राय एषेऽवसे दधीत् धीः			
सुशेव एवैरौशिजस्य होता ये व एवा मरुतस्तुराणाम्			॥ 5 ॥
प्र वो वायुं रथयुजं कृणुध्वं प्र देवं विप्रं पनितारमर्कैः			
इषुध्यव ऋतसापः पुरंधीर्वस्वीर्नो अत्र पत्नीरा धिये धुः			॥ 6 ॥
उप व एषे वन्द्यैभिः शूषैः प्र यही दिवश्चितयद्विरकैः			
उषासानक्ता विदुषीव विश्वमा हा वहतो मर्त्याय यज्ञम्			॥ 7 ॥

अ॒भि वाँ अ॒र्चे पो॒ष्याव॑तो नृ॒न्वास्तो॑ष्पतिं त्वष्टा॑रं रराणः ।  
 ध॒न्या॑ स॒जोषा॑ धि॒षणा॑ नमो॑भिर्व॒नस्प॑र्तारो॒षधी॑ राय एषे ॥ 8 ॥  
 तु॒जे न॒स्तने॑ प॒र्वताः॑ सन्तु स्वै॑तवो ये वस॑वो न वी॒राः ।  
 प॒नित॑ आ॒प्त्यो य॑ज॒तः सदा॑ नो व॒र्धा॑न्नः शंसं॑ नयो॑ अ॒भिष्टौ ॥ 9 ॥  
 वृ॒ष्णाँ अ॒स्तोषि॑ भूम्यस्य॒ गर्भं॑ त्रि॒तो नपा॑तम॒पां सु॑वृक्ति  
 गृ॒णीते॑ अ॒ग्निरे॑तरी न शू॒षैः शो॒चिष्के॑शो नि रि॒णाति॑ वना ॥ 10 ॥  
 क॒था म॒हे रु॒द्रिया॑य ब्रवाम् क॒द्राये॑ चि॒कितु॑षे भगा॑य  
 आप् ओ॒षधी॑रुत नोऽव॑न्तु द्यौर्व॑ना गिर॒यो वृ॑क्षकेशाः ॥ 11 ॥  
 शृ॒णोतु॑ न ऊ॒र्जा प॑तिर्गिरः स नभ॑स्तरीयाँ इ॒षिरः॑ परि॒ज्मा  
 शृ॒ण्वन्त्वापः॑ पुरो न शू॒भ्राः परि॑ सु॒चो ब॑बृहाणस्या॒द्रैः ॥ 12 ॥  
 वि॒दा चि॒न्नु म॑हान्तो ये व॒ एवा॑ ब्रवाम॒ दस्मा॑ वार्य॒ दधा॑नाः  
 वय॑श्चन सु॒भ्वश् आ॑व॒ यन्ति॑ क्षु॒भा म॑र्तमनु॒यतं॑ वध॒स्त्रैः ॥ 13 ॥  
 आ दै॒व्यानि॑ पा॒र्थि॒वानि॑ जन्मापश्चाच्छा॒ सुम॑खाय वोचम्  
 व॒र्धन्तां॑ द्यावो गिर॑श्चन्द्रा॒ग्रा उ॒दा व॑र्धन्ताम॒भिषा॑ता अ॒र्णाः ॥ 14 ॥  
 प॒देप॑दे मे ज॒रि॒मा नि॑ धायि॒ वरू॑त्री वा श॒क्रा या पा॑युभिश्च  
 सि॒षक्तु॑ मा॒ता म॒ही र॒सा नः॑ स्मत्सूरिभिर्ऋ॒जुह॑स्तं ऋ॒जुव॑निः ॥ 15 ॥  
 क॒था दा॑शेम॒ नम॑सा सु॒दानू॑नेव॒या म॑रुतो॒ अच्छो॑क्तौ प्रश्र॒वसो॑ म॒रुतो॑ अच्छो॒क्तौ ।  
 मा नोऽहि॑र्बु॒ध्यो रि॒षे धा॑दस्माकं॒ भूदु॑पमाति॒वनिः॑ ॥ 16 ॥  
 इति॑ चि॒न्नु प्र॒जायै॑ पशु॒मत्यै॑ देवा॒सो व॑न॒ते म॒त्यो व॑ आ दे॒वासो॑ व॒नते॑ म॒त्यो वः ।  
 अत्रा॑ शि॒वां त॒न्वो धा॑सि॒मस्या॑ ज॒रां चि॑न्मे॒ नि॒र्ऋ॑तिर्ज॒ग्रसी॑त ॥ 17 ॥  
 तां वाँ दे॒वाः सु॑म॒तिमूर्ज॑यन्तीमिषमश्याम॒ वसवः॑ श॒सा गोः॑  
 सा नः॑ सु॒दानु॑मृ॒ळय॑न्ती दे॒वी प्र॑ति॒ द्रव॑न्ती सु॒वि॒ताय॑ ग॒म्याः ॥ 18 ॥  
 अ॒भि न॒ इळा॑ यूथस्य॒ मा॒ता स्म॑न्नदीभिर्ऋ॒र्वशी॑ वा गृणातु  
 उ॒र्वशी॑ वा बृह॒द्दि॒वा गृ॑णा॒नाभ्यु॑र्ण॒वाना॑ प्र॒भृथ॑स्यायोः ॥ 19 ॥  
 सि॒षक्तु॑ न ऊ॒र्जव्य॑स्य पु॒ष्टेः ॥ 20 ॥

(18)

42

(म.5, अनु.3)

ऋषिः भौमः अत्रिः

छन्दः त्रिष्टुप् 1-16,18, एकपदा विराट् 17

देवता विश्वे देवाः 1-10,12-18, रुद्रः 11

प्र श॑न्त॒मा व॑रु॒णं दी॑धि॒ती गी॑र्मि॒त्रं भ॑ग॒मदि॑तिं नूनम॑श्याः ।  
 पृ॒षद्यो॑निः पञ्च॒होता॑ शृ॒णो॒त्वतू॑र्त॒पन्था॑ असु॒रो म॑यो॒भुः ॥ 1 ॥

प्रति मे स्तोममदितिर्जगृभ्यात्सूनुं न माता हृद्यं सुशेवम्	
ब्रह्म प्रियं देवहितं यदस्त्यहं मित्रे वरुणे यन्मयोभु	2
उदीरय क्ववितमं कवीनामुनतैनमभि मध्वा घृतेन	
स नो वसूनि प्रयता हितानि चन्द्राणि देवः सविता सुवाति	3
समिन्द्र णो मनसा नेषु गोभिः सं सूरिभिर्हरिवः सं स्वस्ति	
सं ब्रह्मणा देवहितं यदस्ति सं देवानां सुमत्या यज्ञियानाम्	4
देवो भगः सविता रायो अंशु इन्द्रो वृत्रस्य संजितो धर्नानाम्	
ऋभुक्षा वाज उत वा पुरंधिरवन्तु नो अमृतासस्तुरासः	5
मरुत्वतो अप्रतीतस्य जिष्णोरजूर्यतः प्र ब्रवामा कृतानि	
न ते पूर्वे मघवन्नापरासो न वीर्यं नूतनः कश्चनाप	6
उप स्तुहि प्रथमं रत्नधेयं बृहस्पतिं सनितारं धर्नानाम्	
यः शंसते स्तुवते शंभविष्ठः पुरुवसुरागमज्जोहुवानम्	7
तवोतिभिः सचमाना अरिष्टा बृहस्पते मघवानः सुवीराः	
ये अश्वदा उत वा सन्ति गोदा ये वस्त्रदाः सुभगास्तेषु रायः	8
विसर्माणं कृणुहि वित्तमेषां ये भुञ्जते अपृणन्तो न उक्थैः	
अपब्रतान्प्रसवे वावृधानान्ब्रह्मद्विषः सूर्याद्यावयस्व	9
य ओहते रक्षसो देववीतावचक्रेभिस्तं मरुतो नि यात	
यो वः शर्मो शशमानस्य निन्दात्तुच्छ्यान्कामान्करते सिष्विदानः	10
तमु द्रुहि यः स्विषुः सुधन्वा यो विश्वस्य क्षयति भेषजस्य	
यक्ष्वा महे सौमनसाय रुद्रं नमोभिर्देवमसुरं दुवस्य	11
दमूनसो अपसो ये सुहस्ता वृष्णः पत्नीर्नद्यो विभवत्पृष्टाः	
सरस्वती बृहद्विवोत राका दशस्यन्तीर्वरिवस्यन्तु शुभ्राः	12
प्र सू महे सुशरणाय मेधां गिरं भरे नव्यसीं जायमानाम्	
य आहना दुहितुर्वक्षणासु रूपा मिन्नानो अकृणोद्विदं नः	13
प्र सुष्टुतिः स्तनयन्तं रुवन्तमिळस्पतिं जरितनूनमश्याः	
यो अद्भिमां उदनिमां इयति प्र विद्युता रोदसी उक्षमाणः	14
एष स्तोमो मारुतं शर्धो अच्छा रुद्रस्य सूनूर्युवन्तूरुदश्याः	
कामो राये हवते मा स्वस्त्युप स्तुहि पृषदश्वं अयासः	15
प्रेष स्तोमः पृथिवीमन्तरिक्षं वनस्पतीरोषधी राये अश्याः	
देवोदेवः सुहवो भूतु मह्यं मा नो माता पृथिवी दुर्मतौ धात्	16
उरौ देवा अनिबाधे स्याम	17
समश्विनोरवसा नूतनेन मयोभुवा सुप्रणीती गमेम	
आ नो रयिं वहतमोत वीराना विश्वान्यमृता सौभंगानि	18

ऋषिः भौमः अत्रिः

छन्दः त्रिष्टुप् 1-15,17, एकपदा विराट् 16

देवता विश्वे देवाः

आ धेनवः पर्यसा तूर्ण्यर्था अमर्धन्तीरुप नो यन्तु मध्वा	
महो राये बृहतीः सप्त विप्रो मयोभुवो जरिता जोहवीति	॥ 1 ॥
आ सुष्टुती नमसा वर्तयध्वै द्यावा वाजाय पृथिवी अमृधे	
पिता माता मधुवचाः सुहस्ता भरैभरे नो यशसावविष्टाम्	॥ 2 ॥
अध्वर्यवश्चकृवांसो मधूनि प्र वायवे भरतु चारु शुक्रम्	
होतेव नः प्रथमः पाह्यस्य देव मध्वो ररिमा ते मदाय	॥ 3 ॥
दश क्षिपो युञ्जते बाहू अद्रिं सोमस्य या शमितारा सुहस्ता	
मध्वो रसं सुगभस्तिर्गिरिष्ठां चनिश्चदद्दुहे शुक्रमंशुः	॥ 4 ॥
असावि ते जुजुषाणाय सोमः क्रत्वे दक्षाय बृहते मदाय	
हरी रथे सुधुरा योगे अर्वागिन्द्र प्रिया कृणुहि ह्यमानः	॥ 5 ॥
आ नो महीमरमतिं सजोषा ग्रां देवीं नमसा रातहव्याम्	
मधोर्मदाय बृहतीमृतज्ञामाग्रे वह पृथिभिर्देवयानैः	॥ 6 ॥
अञ्जन्ति यं प्रथयन्तो न विप्रो वृपावन्तं नाग्निना तपन्तः	
पितुर्न पुत्र उपसि प्रेष्ट आ घर्मो अग्निमृतयन्नसादि	॥ 7 ॥
अच्छा मही बृहती शन्तमा गीर्दूतो न गन्त्वश्विना हुवध्वै	
मयोभुवा सुरथा यातमर्वागन्तं निधिं धुरमाणिर्न नाभिम्	॥ 8 ॥
प्र तव्यसो नमउक्तिं तुरस्याहं पूष्ण उत वायोरदिक्षि	
या राधसा चोदितारा मतीनां या वाजस्य द्रविणोदा उत त्मन्	॥ 9 ॥
आ नामभिर्मरुतो वक्षि विश्वाना रूपेभिर्जातवेदो हुवानः	
यज्ञं गिरो जरितुः सुष्टुतिं च विश्वे गन्त मरुतो विश्वं ऊती	॥ 10 ॥
आ नो दिवो बृहतः पर्वतादा सरस्वती यजता गन्तु यज्ञम्	
हवं देवी जुजुषाणा घृताचीं शग्मां नो वाचमुशती शृणोतु	॥ 11 ॥
आ वेधसं नीलपृष्ठं बृहन्तं बृहस्पतिं सदाने सादयध्वम्	
सादद्योनिं दम् आ दीदिवांसं हिरण्यवर्णमरुषं सपेम	॥ 12 ॥
आ धर्णसिर्बृहद्विवो रराणो विश्वेभिर्गन्त्वोमभिर्हुवानः	
ग्रा वसान् ओषधीरमृधस्त्रिधातुशृङ्गो वृषभो वयोधाः	॥ 13 ॥
मातुष्पदे परमे शुक्र आयोर्विपन्यवो रास्पिरासो अगमन्	
सुशेव्यं नमसा रातहव्याः शिशुं मृजन्त्यायवो न वासे	॥ 14 ॥
बृहद्वयो बृहते तुभ्यमग्रे धियाजुरो मिथुनासः सचन्त	

देवोदैवः सुहवो भूतु मह्यं मा नो माता पृथिवी दुर्मतौ धात्	॥ 15 ॥
उरौ देवा अनिबाधे स्याम	॥ 16 ॥
समश्विनोरवसा नूतनेन मयोभुवा सुप्रणीती गमेम	
आ नो रयिं वहतमोत वीराना विश्वान्यमृता सोभगानि	॥ 17 ॥

(15)

44

(म.5, अनु.3)

ऋषिः अवत्सारः काश्यपः

छन्दः जगती 1-13, त्रिष्टुप् 14-15

देवता विश्वे देवाः

तं प्रलथा पूर्वथा विश्वथेमथा ज्येष्ठतातिं बर्हिषदं स्वर्विदम्	
प्रतीचीनं वृजनं दोहसे गिराशुं जयन्तमनु यासु वर्धसे	॥ 1 ॥
श्रिये सुदृशीरुपरस्य याः स्वर्विरोचमानः ककुभामचोदते	
सुगोपा असि न दभाय सुक्रतो पुरो मायाभिर्ऋत आसु नाम ते	॥ 2 ॥
अत्यं हविः संचते सञ्च धातु चारिष्टगातुः स होता सहोभरिः	
प्रसर्त्तानो अनु बर्हिर्वृषा शिशुर्मध्ये युवाजरो विस्रुहा हितः	॥ 3 ॥
प्र व एते सुयुजो यामन्निष्टये नीचीरमुष्मै यम्य ऋतावृधः	
सुयन्तुभिः सर्वशासैरभीशुभिः क्रिविर्नामानि प्रवृणे मुषायति	॥ 4 ॥
संजर्भुराणस्तर्भुभिः सुतेगृभं वयाकिनं चित्तगर्भासु सुस्वरुः	
धारवाकेष्वृजुगाथ शोभसे वर्धस्व पलीरभि जीवो अंध्वरे	॥ 5 ॥
यादृगेव ददृशे तादृगुच्यते सं छायाया दधिरे सिध्रयाप्स्वा	
महीमस्मभ्यमुरुषामुरु ज्रयो बृहत्सुवीरमनपच्युतं सहः	॥ 6 ॥
वेत्यग्रुर्जनिवान्वा अति स्पृधः समर्यता मनसा सूर्यः कविः	
घ्नंसं रक्षन्तं परि विश्वतो गयमस्माकं शर्म वनवत्स्वावसुः	॥ 7 ॥
ज्यायांसमस्य यतुनस्य केतुन ऋषिस्वरं चरति यासु नाम ते	
यादृशिन्धायि तमपस्यया विदद्य उं स्वयं वहते यो अरं करत्	॥ 8 ॥
समुद्रमासामव तस्थे अग्रिमा न रिष्यति सर्वनं यस्मिन्नायता	
अत्रा न हार्दिं क्रवणस्य रेजते यत्रा मतिर्विद्यते पूतबन्धनी	॥ 9 ॥
सहि क्षत्रस्य मनसस्य चित्तिभिरेवावदस्य यजतस्य सध्रैः	
अवत्सारस्य स्पृणवाम् रण्वभिः शविष्ठं वाजं विदुषा चिदर्थ्यम्	॥ 10 ॥
श्येन आसामदितिः कक्ष्योर् मदो विश्ववारस्य यजतस्य मायिनः	
समन्यमन्यमर्थयन्त्येतवे विदुर्विषाणं परिपानमन्ति ते	॥ 11 ॥
सदापृणो यजतो वि द्विषो वधीद्वाहुवृक्तः श्रुतवित्तयो वः सचा	
उभा स वरा प्रत्येति भाति च यदीं गुणं भजते सुप्रयावभिः	॥ 12 ॥
सुतंभरो यजमानस्य सत्पतिर्विश्वांसामूधः स धियामुदञ्चनः	
भरद्धेनू रसविच्छिश्रिये पयोऽनुब्रुवाणो अध्येति न स्वपन्	॥ 13 ॥



यो ज़ागारु तमृचः कामयन्ते यो ज़ागारु तमु सामानि यन्ति |  
 यो ज़ागारु तमयं सोमं आह तवाहर्मस्मि सख्ये न्योकाः || 14 ||  
 अग्रिर्जागारु तमृचः कामयन्तेऽग्रिर्जागारु तमु सामानि यन्ति |  
 अग्रिर्जागारु तमयं सोमं आह तवाहर्मस्मि सख्ये न्योकाः || 15 ||

(11)

45

(म.5, अनु.4)

ऋषिः सदापृणः आत्रेयः छन्दः त्रिष्टुप् 1-8, पुरस्ताद्भ्योतिः 9, त्रिष्टुप् 10-11 देवता विश्वे देवाः

विदा दिवो विष्वन्नद्रिमुक्थैरायत्या उषसो अर्चिनो गुः |  
 अपावृत व्रजिनीरुत्स्वर्गाद्वि दुरो मानुषीर्देव आवः || 1 ||  
 वि सूर्यो अमतिं न श्रियं सादोर्वाद्भवां माता जानती गात् |  
 धन्वर्णसो नद्यंः खादोअर्णाः स्थूणैव सुमिता दंहत् द्यौः || 2 ||  
 अस्मा उक्थाय पर्वतस्य गर्भो महीनां जनुषे पूर्व्याय |  
 वि पर्वतो जिहीत् साधत् द्यौराविवासन्तो दसयन्त भूमं || 3 ||  
 सूक्तेभिर्वो वचोभिर्देवजुष्टैरिन्द्रा न्वंश्री अवसे हुवध्यै |  
 उक्थेभिर्हिष्मा कवयः सुयज्ञा आविवासन्तो मरुतो यजन्ति || 4 ||  
 एतो न्वंश्रु सुध्योर् भवाम् प्र दुच्छुना मिनवामा वरीयः |  
 आरे द्वेषांसि सनुतर्दधामायाम् प्राञ्चो यजमानमच्छं || 5 ||  
 एता धियं कृणवामा सखायोऽपु या मातां ऋणुत व्रजं गोः |  
 यया मनुर्विशिशिप्रं जिगाय यया वृणिग्वङ्कुरापा पुरीषम् || 6 ||  
 अनूनोदत्र हस्तयतो अद्रिरार्चन्येन दशं मासो नवग्वाः |  
 ऋतं यती सरमा गा अविन्दुद्विश्वा नि सत्याङ्गिराश्चकार || 7 ||  
 विश्वे अस्या व्युषि माहिनायाः सं यद्गोभिरङ्गिरसो नवन्त |  
 उत्सं आसां परमे सधस्थं ऋतस्यं पथा सरमा विदुद्गाः || 8 ||  
 आ सूर्यो यातु सप्ताश्वः क्षेत्रं यदस्योर्विया दीर्घयाथे |  
 रघुः श्येनः पतयदन्धो अच्छा युवा क्विदीदयद्गोषु गच्छन् || 9 ||  
 आ सूर्यो अरुहच्छुक्रमर्णोऽयुक्त यद्धरितो वीतपृष्ठाः |  
 उद्गा न नावमनयन्त धीरा आशृण्वतीरापो अर्वागतिष्ठन् || 10 ||  
 धियं वो अप्सु दधिषे स्वर्षा ययातरन्दशं मासो नवग्वाः |  
 अया धिया स्याम देवगोपा अया धिया तुतुर्यामात्यंहः || 11 ||

(8)

46

(म.5, अनु.4)

ऋषिः प्रतिक्षत्रः आत्रेयः छन्दः जगती 1,3-7, त्रिष्टुप् 2,8 देवता विश्वे देवाः 1-6, देवपत्न्यः 7-8

हयो न विद्वाँ अयुजि स्वयं धुरि तां वहामि प्रतरणीमवस्युवम् |  
 नास्यां वशिम विमुचं नावृतं पुनर्विद्वान्यथः पुरएत ऋजु नैषति || 1 ||  
 अग्र इन्द्र वरुण मित्र देवाः शर्धः प्र यन्तु मारुतोत विष्णो

उ॒भा नास॑त्या रु॒द्रो अध॑ ग्राः पू॒षा भगः॑ सर॒स्वती जुष॑न्त	॥ 2 ॥
इन्द्रा॑ग्नी मि॒त्रावरु॑णादि॒तिं स्वः॑ पृथि॒र्वी द्यां म॑रु॒तः पर्व॑ताँ अ॒पः	
हु॒वे विष्णुं॑ पू॒षणं॑ ब्रह्म॑ण॒स्पतिं॑ भृ॒गं नु शंसं॑ स॒वितार॑मू॒तये	॥ 3 ॥
उ॒त नो॑ विष्णु॑रु॒त वातो॑ अ॒स्त्रिधो॑ द्रवि॒णोदा॑ उ॒त सोमो॑ म॒र्यस्कर॑त्	
उ॒त ऋ॑भ॒व उ॒त रा॑ये नो॑ अ॒श्विनो॑त त्वष्टो॑त वि॒भ्वानु॑ मंसते	॥ 4 ॥
उ॒त त्यन्नो॑ मारु॒तं शर्ध॑ आ ग॒मद्वि॑विक्ष॒यं यज॑तं ब॒र्हिरा॑सदे॒	
बृह॑स्पतिः शर्म॑ पू॒षोत॑ नो॑ यमद्व॒रूथ्यं॑ वरु॒णो मि॒त्रो अ॑र्य॒मा	॥ 5 ॥
उ॒त त्ये नः॑ पर्व॒तासः॑ सुश॒स्तयः॑ सु॒दीतयो॑ न॒द्यश्च॑स्राम॒णे भुव॑न्	
भगो॑ विभ॒क्ता श॑वसाव॒सा ग॑मदु॒रुव्य॑चा अदि॒तिः श्रो॑तु मे ह॒वम्	॥ 6 ॥
दे॒वानां॑ पत्नी॒रुश॑तीर॒वन्तु नः॑ प्रा॒वन्तु॑ नस्तु॒जये॑ वा॒जसा॑तये	
याः पार्थि॑वासो या अ॒पाम॑पि॒ व्रते॑ ता नो॑ दे॒वीः सु॒हवाः॑ शर्म॑ यच्छत ॥ 7 ॥	॥ 7 ॥
उ॒त ग्रा व्य॑न्तु दे॒वप॑त्नीरिन्द्राण्य॒श्रग्रा॑य्य॒श्विनी॑ राट्	
आ रोद॑सी वरु॒णानी॑ शृ॒णोतु॑ व्यन्तु॒ देवी॑र्य ऋ॒तुर्जनी॑नाम्	॥ 8 ॥
। इति चतुर्थाष्टके द्वितीयोऽध्यायः समाप्तः ।	